

881
H8.Yha

OBSERVATIONES CRITICAE
IN ALIQUOT LOCOS ARISTOTELIS

SCRIPSIT

UNIVERSITY OF MICHIGAN

M. HAYDUCK.

GRYPHISWALDIAE.

TYPIS FRID. GUIL. KUNIKE.

CONSERVATION OF NATURE

IN A SHORT BOOK OF ALPHABETICS

THE

THE

THE

De anima II, 2, p. 414 ¹⁰.

Aristoteles de an. II, 2 primum ostendit animae facultates praeter unam mentem omnes ita inter se coniunctas esse, ut cogitatione tantum, non re ipsa possint separari; deinde reversus ad ea, quae primo capite de notione animae disputavit, paulo uberius quam supra p. 412 ¹⁶ sqq. exponit corpus materiae et substrati, animam formae et notionis locum tenere. Quemadmodum, inquit 414 ²⁴, id, quo cognoscimus, duplici sententia subiecta et cognitionem et animam dicimus, itemque id, quo valemus, et valetudinem et corpus appellamus, quae quidem ita discernenda sunt, ut cognitio et valetudo εἶδους καὶ λόγου, anima et corpus ὕλης καὶ ὑποκειμένου loco habeantur, sic etiam vivere nos ac sentire dicimus et anima et corpore. Anima autem πρώτως i. e. suapte natura est τοῦτο ᾧ ζῶμεν καὶ αἰσθανόμεθα, quum corpus per se ipsum vita et sensu careat. Quod si propria vis et natura τοῦ ζῶντος σώματος in anima posita est, sequitur, ut haec non materiae et substrati, sed formae et notionis partes obtineat ¹). Hunc sententiarum nexum Bonitzius (Arist. stud. II, 58 III, 120 ²) particula δὲ ²⁵ eiecta et verbis recte interpunctis egregie restituit; unum tamen mendum idque levius reliquit in his verbis τούτων δ' ἡ μὲν ἐπιστήμη τε καὶ ὑγίεια μορφή καὶ εἶδος τι καὶ λόγος καὶ οἷον ἐνέργεια τοῦ δεκτικοῦ, ἡ μὲν τοῦ ἐπιστημονικοῦ, ἡ δὲ τοῦ ὑγιαστικοῦ. Corpus enim, quatenus valetudinem potest recipere (τὸ δεκτικὸν ὑγείας), non ὑγιαστικόν sed ὑγιαστόν dicendum est; nam illa voce significatur τὸ ποιητικὸν ὑγείας, de quo Aristoteles infra mentionem facit (δοκεῖ γὰρ . . . ἐνέργεια), rationem afferens, quamobrem formam et notionem ἐνέργειαν τοῦ δεκτικοῦ appellaverit. Itaque ¹⁰ ὑγιαστοῦ e cod. X recipiendum esse censeo.

De an. II, 8, p. 420 ¹⁰.

Aristoteles de natura soni et auditus disputans sonum ait corporum collisu editum aëre simul percusso et motum inde acceptum continenter propagante ad aures perferri. Itaque siquid tale

1) 'Ἐντελέχεια enim omnis in forma et notione consistit; anima autem corporis (τοῦ δυνάμει ζῶντος ἔχοντος) est ἐντελέχεια. — Sic fere Aristoteles infra ¹⁴—¹⁹ hanc disputationem absolvit. Quae quum ad eam definitionem animae, quae supra 412 ²⁷ est proposita, vel explicandam vel confirmandam instituta sit, res ipsa videtur postulare, ut Aristoteles animam ἐντελέχειαν esse ex eo colligat, quod eadem sit forma et notio. At contra disputatio ita procedit, ut animam λόγον καὶ εἶδος esse adhibita ἐντελεχειας notione comprobetur. Melius certe se res haberet, si Aristoteles ¹⁴ τριχῶς δὲ scripssisset.

2) Comm. acad. Caes. Vindobon. vol. XLI, 434. XLII, 87.

sit, ut aëris continuum usque ad aures motum efficere possit, id sonandi facultatem habere. Deinde quomodo sensus ipse sonum ita sibi oblatum percipiat, his verbis exponitur 420 ^a ἀκοή δὲ συμφυῆς αἰερί (Torstr. ¹) conī. ἀκοή-αἴρη, διὰ δὲ τὸ ἐν αἰερί εἶναι κινουμένου τοῦ ἕξω ο εἶσω κινεῖται. (Sic Torstr. primus recte scripsit). διόπερ οὐ πάντῃ τὸ ζῶον ἀκούει οὐδὲ πάντῃ διέρχεται ὁ ἀήρ· οὐ γὰρ πάντῃ ἔχει αἴερα (ἀλλὰ add. Torstr.) τὸ κινήσόμενον μέρος καὶ ἔμψυχον. (ἐμψυχον egregie conī. Torstr.) αὐτὸ (αὐτὸς Torstr.) μὲν δὲ ἄψοφον ὁ ἀήρ διὰ τὸ εὐδρυπτον· ὅταν δὲ κωλυθῇ εὐρύπτεσθαι, ἢ τούτου κίνησις ψόφος. ὁ δ' ἐν τοῖς ὡσὶν ἐγκαταφοκοδόμεναι πρὸς τὸ ἀκίνητος εἶναι, ὅπως ἀκριβῶς αἰσθάνηται πάσας τὰς διαφορὰς τῆς κινήσεως. Torstrius verbis ita ut dixi emendatis non dubie veram sententiam restituit. Haec enim Aristoteles dicit: in ipsa aure (sub membrana tympani) aëra inclusum esse, qui externi aëris motus (int. eos, quibus sonus propagetur) excipiat et ad ipsum sensum perducatur. Propterea animalia hac una parte audire; nimirum quod in hac sola insit aër, qui sonis continuum ad auditum viam praebeat. Deinde ^a9 (nam vñ αὐτὸς μὲν δὲ . . . ψόφος praetermitto, quorum licet per se perspicua sit sententia, tamen hoc loco ²) nullum esse usum patet) aëra in aure seclusum esse ostendit πρὸς τὸ ἀκίνητος εἶναι, ut omnes externi motus (int. sonorum) differentiae auditu subtiliter percipi possint. At qui hic ἀκίνητος dicitur, eundem Aristoteles supra docuit externi aëris impulsu moveri, atque hoc ipso loco scriptum videmus omnem eius vim in eo consistere, ut motiones extrinsecus sibi mandatas quam accuratissime ad sensum traducat. Interpretes tamen, quorum quidem commentarios inspicere mihi licuit, nullam in his difficultatem agnoscunt. E quibus Themistius (paraphr. fol. 80) ³) sententiam sic exponit ὁ δὲ ἐν τοῖς ὡσὶν ἀήρ γίνεται μὲν συνεχὴς καὶ ἀπερ ἔφην τῷ ἕξω, ἄψοφος δὲ μᾶλλον αὐτὸς ᾧ οἰκεία φύσει ὥστε ἀκριβῶς αἰσθάνεσθαι πάσας τὰς διαφορὰς τῶν ἕξωθεν ψόφων μὴ ταραττόμενος ἐπ' οἰκείου σάλου — et infra οὐ μὴν ἐπείρε ἀκίνητον ἔφην τὸν ἐν τοῖς ὡσὶν αἴερα, πατελῶς αὐτὸν ἐποληπτέον ἀκίνητον εἶναι, ἀλλ' ἀκίνητος οὕτως ὅτι οὐ μεθίσταται ὅλος (ὅλος) οὐδὲ ἄλλος καὶ ἄλλος ὑπάρχει ἀλλ' αὐτὸς δὲ μένει. Similem in modum Trendelenburgius comment. p. 387: propterea aër inclusus est, ut a ceteris aëris fluctibus et turbis immunis soni motui suscipiendo eiusque differentiis percipiendis eo magis pateat. — Hanc sententiam sane res ipsa postulat; quomodo autem in eam conveniat generalis notio τῆς ἀκινήσεως non video. Nihilo magis Torstrius in illa notione offendit, qui ea verba ad hunc modum explicat: Is igitur aër quem συμφυῆ vocat per se motu careat necesse est, sicut aqua in oculo inclusa per se ἄχρους est. Si enim vel auditus vel visus instrumentum per se haberet sonum vel colorem, is profecto impediret externum sonum vel colorem, quominus accurate perciperetur. — Quae explicatio licet eodem, quo illae, spectet, ipsa tamen verba ad rem minus accommodata sunt; neget enim aliquis πρὸς τὸ ἀκίνητος εἶναι κατ' αὐτὸν quicquam interesse, utrum aër in aure inclusus sit an omnibus externi aëris motibus pateat. Immo hoc dicere vult Aristoteles aëra illum idcirco inclusum esse, ne quem alium praeter ipsos sonos motum extrinsecus accipiat; nam si quo vehementiore impetu externi aëris agigaretur, sono in ipsa aure orto futurum esse, ut sensus ad externos sonos percipiendos impediretur. Ergo aër ἐγκαταφοκοδόμεναι, ut suo loco maneat. Si haec sententia verbis subest, nescio an legendum sit πρὸς

1) Aristotelis de anima libri III. Recensuit Adolffus Torstrik.

2) Manifesto enim pertinent ad ea, quae p. 419 ^b19 sqq. disputantur.

3) Hoc uno ex veteribus in hunc Aristotelis librum commentariis uti mihi contigit.

τὸ ἀμετακίνητος εἶναι. Sic enim universalis notio ad eam quam dixi speciem, τὴν κατὰ τόπον κίνησιν redigitur.

De an. II, 9. p. 421 ^b19.

Dubites, inquit Aristoteles, num odorandi idem omnibus animalibus sensus sit. Homo enim licet id, quod oleat, in ipsas nares inserat, nihil tamen odorabitur, nisi aëra odoribus completum spiritu per nares duxerit. Ea autem animalia, quae carent sanguine, non respirant; eadem tamen odorantur. Ex his conicias alium quendam praeter eos, quos vulgo dicimus, sensum esse, quo illud genus animalium odores percipiat; (^b19 ὥστε τὰ ἀναιμία ἐπειδὴ οὐκ ἀναπνεύουσιν ἐτέραν ἂν τιν' αἰσθησιν ἔχουσι παρὰ τὰς λεγομένας).¹⁾ At re ipsa patet unum modo odoratum esse et q. sq. — In hoc sententiarum nexu et ordine haec verba occurrunt ^b17—19 καὶ τὸ μὲν ἐπ' αὐτῷ τιθέμενον αἰσθητηρίῳ ἀναίσθητον εἶναι κοινὸν πάντων· ἀλλὰ τὸ ἄνευ τοῦ ἀναπνεῖν μὴ αἰσθάνεσθαι ἴδιον ἐπὶ τῶν ἀνθρώπων. δῆλον δὲ πειρωμένοις. Quae verba quorsum pertineant facile intellegitur. Nempe Aristoteles postquam docuit homines, si spiritum contineant aut emittant, ne id quidem posse odorari quod ipsis naribus imposuerint, iam illud quidem ait omnium sensuum²⁾ commune esse, ut nihil percipiant, quod ipsa sensuum instrumenta contingat, respirandi autem necessitatem propriam esse ἐπὶ τῶν ἀνθρώπων. Huius enuntiationis alterum membrum corruptum esse apparet. Primum enim Aristoteles aliis locis deserte docet non solum hominem sed omnia quae respirant animalia ad odorandum spiritu egere. II, 7, 419 ^a35 φαίνεται γὰρ καὶ τὰ ἔνδρα τῶν ζώων ἔχειν αἰσθησιν ὁμοῦς· ἀλλ' ὁ μὲν ἀνθρώπος καὶ τῶν πεζῶν ὅσα ἀναπνεῖ ἀδυνατεῖ ὁμοῖα εἶναι μὴ ἀναπνεύοντα. Cf. de sensu et sens. 5, 444 ^a21, de respir. 7, 473 ^a23. Deinde patet vv. ἀλλὰ-ἀνθρώπων superioribus non recte opponi; quae quum sensuum aliquid commune esse doceant, consentaneum est etiam ἴδιον illud, quod sequitur, ad sensum quendam pertinere. Atqui τὸ ἄνευ τοῦ ἀναπνεῖν μὴ αἰσθάνεσθαι proprium est odoratus. Itaque scribendum est ἴδιον ἐπὶ τῶν ὁσφραντῶν. Videntur autem verba a malo quodam interprete depravata esse, qui ^b18 πάντων ζώων audiret et ex eo, quod Aristoteles ^b14 homine exemplo utitur, falso colligeret ea, quae ^b14—16 disputantur, ad unum hominem spectare.

De an. III, 4 p. 429 ^b23.

Quaeritur, quomodo mens cogitare possit, si quidem talis sit, qualem eam esse Anaxagoras contendat; ^b22. ἀπορίσεις δ' ἂν τις, εἰ ὁ νοῦς ἅπλοῦν ἐστὶ καὶ ἀπαθὲς καὶ μηδενὶ μηδὲν ἔχει κοινόν, ὥσπερ φησὶν Ἀναξαγόρας, πῶς νοήσει, εἰ τὸ νοεῖν πάσχειν τί ἐστιν. ἢ γὰρ τι κοινὸν ἀμφοῖν ὑπάρχει τὸ μὲν ποιεῖν δοκεῖ τὸ δὲ πάσχειν. Vv. ἢ γὰρ τι — πάσχειν quo pertineant, dubitare se profitetur Trendelenburgius; veri simillimum tamen esse iudicat ea aliquid momenti habere ad eam, quam

1) In his igitur verbis inest ἀπορία illa, quam Ar. ^b13 dicit; vv. εἰ πάντα μὲν ὁμοίως ὁμοῦται sqq. huius ἀπορίας rationem afferunt. Quam ob rem interpunctione ^b16 et 19 mutata (τεθῆ'· πειρωμένοις·) totus locus ^b13—21 una comprehensione verborum completendus est.

2) V. ^b18 non ζώων sed αἰσθητῶν audiendum esse recte monuit Trendelenburgius, qui etsi de verbis ὁλλὰ-ἀνθρώπων nihil laborat, id tamen perspicit Aristoteli, si illud voluisset, ^b17. 18 ἀνίσφραντον et ὁσφραίνεσθαι dicendum fuisse. Cf. Them. fol. 81^a. De re ipsa v. II, 7, 419^a12 ἐὰν γὰρ τις θῇ τὸ ἔχον χροῖμα ἐπ' αὐτὴν τὴν ὕψιν οὐκ ὀφεται. ^a25 ὁ δ' αὐτὸς λόγος καὶ περὶ ψόφου καὶ ὁσμῆς ἐστίν. C. 11, 423 ^b17 idem de tactu et gustatu dicit. Ea enim, quibus res sub tactum et gustatum subjectae contingamus, (carnem et linguam) horum sensuum non instrumenta sed quasi media quaedam esse docet, (ita enim reddere liceat Graecam vocem τὸ μεταξὺ) quae quidquid gustando et tangendo percipi possit ad ipsos sensus traducant.

Aristoteles dicit, difficultatem tollendam. Primum, inquit comment. p. 483, id agi existimes, ut ad motam quaestionem breviter respondeatur. Quod si est, locum in hanc sententiam explicandum iudico: ἀμφοῖν duplex sit cognitionis genus, sensuum perceptio et mentis intelligentia, κοινὸν communis res, quae et sensus ferit et mente comprehenditur. Quatenus igitur utrique et sensui et menti communis res cognoscenda proposita est, ille pati haec agere videtur. Qua ratione patiendi necessitas a mente ad sensus amandatur; quamquam ne ita quidem, si verum quaeris, a patiendi prorsus mens liberatur; patitur enim ipsis sensibus ministris. Commentatores locum aliter accipiunt, sed haud scio an minus prospere. Haec interpretatio vereor ne ab ipsis verbis aliena sit; neque enim video, quo iure possit ἀμφοῖν ad duplex illud, quod Trendelenburgius dicit, cognitionis genus referri, quum hoc loco de sola mente disputetur; neque quid sibi velit particula γάρ satis apertum est. Nam licet interdum haec coniunctio ab Aristotele ita usurpetur, ut ad sententiam aliquam cogitatione addendam spectet ¹⁾, certe tamen eam sententiam talem esse oportet, quae ex ipsis verbis facile intellegatur et quasi ultro se lectori offerat ²⁾. Hoc autem loco si Trendelenburgium sequimur, ex iis, quae Aristoteles dicit, nihil omnino possumus elicere, quod verbis ἡ γὰρ τι... πάσχειν comprobetur. At exciderunt fortasse, inquit, aliqua verba. Sed hoc auxilio non opus est; verba enim integra sunt sententiamque veteres interpretes recte exponunt ³⁾. E quibus Themistius fol. 88 a. Ἀναξαγόρας δὲ inquit πῇ μὲν ὁρθῶς ἔλεγε περὶ τοῦ νοῦ, πῇ δὲ οὐκ ὁρθῶς. ἄμικτον μὲν γὰρ αὐτὸν ἀπάσης ὕλης ποιῶν ὁρθῶς ἐπενόει, πῶς δὲ τοιοῦτος ὢν πάντα νοήσει εἴπερ τὸ νοεῖν πάσχειν ἐστίν, οὐκ ὁρθῶς διδάσκειν ἡμᾶς παρεώρα. πάσχει γὰρ οὐδὲν ὃ μὴ κεκοινώνηκεν ὕλης, ἀλλὰ ταύτην δεῖ κοινήν ὑποκείσθαι καὶ τῷ πάσχοντι καὶ τῷ ποιοῦντι. Similiter Simplicius et Philoponus, de quibus v. Trendelenb. comment. p. 484. Hac igitur interpretatione vv. ἡ γὰρ — πάσχειν cum superioribus ita coniunguntur, ut propositam difficultatem non tollant, sed ratione allata confirmant. Si hoc verum est — id quod totius loci vi et ratione accuratius exposita perspicuum fore confido — necessario sequitur, ut vv. καὶ ἀπαθείς ^b23 delenda sint. Quod quo facilius appareat, eam argumentationem, qua ἀπορία illa nititur, in syllogismi formam liceat redigere. Qua in re ordiendum est a vv. ἡ — πάσχειν; quorum vis ut recte intellegatur, ἀμφοῖν non ad ea, quae antecedunt, revocandum est (haec enim ut dixi ad unam mentem pertinent), sed audiendum τοῦ ποιοῦντος καὶ τοῦ πάσχοντος, quae notiones in sequentibus verbis τὸ μὲν ποιεῖν δοκεῖ, τὸ δὲ πάσχειν occurrunt. Hunc igitur in modum Aristoteles ratiocinatur: Unumquidque videtur hactenus in alterum agere aut ab altero pati posse, quoad ei aliquid cum illo commune ⁴⁾ est. (Ergo omnino non potest, nisi quid commune est). Atqui mens, ut ait Anaxagoras, simplex est neque quicquam cum ulla alia re commune habet; ὁ νοῦς ἀπλοῦν ἐστὶ [καὶ ἀπαθείς] καὶ μηδενὶ μηδὲν ἔχει κοινόν. Ergo mens a nulla re quic-

1) De ea re v. Waitzii comment. ad top. III, 4 p. 119 a6.

2) Velut top. IV, 2 p. 122 b39, quem locum affert Waitz, ipsum futurum conditionale συμβήσεται ea quae consequantur ἐπ' ἴσους λέγεσθαι falsa esse significat. Quam ob rem de an. I, 4 p. 409 a24 non videtur in hoc usu particulae γάρ acquiescendum esse, quoniam verba interposita καίτοι — ἀπείρους legentis animam ab ea sententia, quam Trendelenb. audiri vult, longe avocant.

3) Ceterum Trendelenb. quae ab his afferuntur non simpliciter reiicienda esse censet, sed interpretationi a se propositae ita subicit, ut lectori integram optionem relinquat.

4) Id quale sit docet de gen. et corr. I, 7,323 b29 ἀλλ' ἐπεὶ οὐ τὸ τυχὸν πέφυκε πάσχειν καὶ ποιεῖν ἀλλ' ὅσα ἢ ἐναντία ἐστὶν ἢ ἐναντίωνιν ἔχει, ἀνάγκη καὶ τὸ ποιοῦν καὶ τὸ πάσχον τῷ γένει μὲν ὁμοῖον εἶναι καὶ καὶ τὸ, τῷ δ' εἶδει ἀνόμοιον καὶ ἐναντίον.

quam patietur. Iam cogitare est pati aliquid. Nihil igitur cogitabit, siquidem talis est, qualem eam Anaxagoras dicit. Ex his intellegitur vv. καὶ ἀπαθείς e textu eicienda esse; non enim in assumptione locum habent, quae manifesto ad conclusionem pertinent. Atque idem patebit, quum ab hac sententiarum dispositione ad ipsa Aristotelis verba redierimus. Retineamus enim illud ἀπαθείς; iam quid difficultatis oriatur, si mentem nihil pati posse sumpserimus, verbis εἰ τὸ νοεῖν πάσχειν τί ἐστιν ita significatur, ut prorsus supervacaneum sit, ne dicam ineptum, ad haec aliquid argumenti adicere. Num quid enim gravius et quod summam rei magis attingat offerri potest quam videri illam ἀπάθειαν ipsi naturae et notioni cogitandi repugnare? Quae igitur sequuntur ἧ γὰρ — πάσχειν ad ceteras tantummodo qualitates, quas Anaxagoras menti attribuire dicitur, (vel potius ad alteram earum τὸ μηδὲν μηδὲν ἔχειν κοινόν) pertinere merito opineris. At vero ita adiuncta sunt, ut etiam ad ἀπάθειαν necessario sint referenda. Ergo alienum additamentum ita quoque perspicias¹⁾. Ceterum Aristoteles saepe docet mentem ab Anaxagora ἀπαθείῃ appellari (v. phys. VIII, 5,256^b25, de an I, 2,405^b20 all.); atque ipse in hoc capite p. 429^a15. 29 talem eam esse dicit; quibus rebus lector aliquis, qui non tam sententiarum diversitatem spectaret quam verborum similitudines sectaretur, facile adduci potuit, ut hic quoque verbum illud addendum putaret.

De an. III, 6 p. 430^b20.

Errari non posse docet Aristoteles, si simplicia et individua mente comprehendantur; in coniungendis autem notionibus errori locum esse. Individuorum deinde tria genera discernit: quorum primum est τὸ κατὰ ποσὸν ἀδιαίρετον^b6 — 14⁹⁾. Quamquam enim omnis magnitudo suapte natura est talis, ut (in infinitum) dividi possit, eadem tamen, nisi re vera dividitur, ἐνεργείᾳ ἀδιαίρετος est. Propterea, si tale aliquid ut linea aut planities uno mentis quasi aspectu et uno puncto temporis (haec enim necessario inter se coniuncta sunt) totum comprehenditur, tamquam individuum cogitatur; sin singulae eius partes deinceps cogitatione percipiuntur, ipso mentis actu res dividitur. — Alterum genus dicit τὸ τῷ εἶδει ἀδιαίρετον^b14. Notio quoniam natura individua est (dividendo enim ipsa tollitur, quippe quae in alias notiones dissolvatur), individuo et tempore et mentis actu cogitur necesse est; κατὰ συμβεβηκός δὲ, καὶ οὐχ ἧ ἐκείνα, διαίρετὰ ᾧ νοεῖ καὶ ἐν ᾧ χρόνῳ i. e. licet et tempus et actus ipse cogitandi sint divida (utrumque enim continuum est) tamen hoc in ea cadere non potest, quatenus tale aliquid ἀδιαίρετον cogitur³⁾. De tertio denique genere^b20 haec dicuntur: ἡ δὲ στιγμή καὶ πᾶσα διαίρεσις καὶ τὸ οὐτως ἀδιαίρετον δηλοῦται ὥστερ ἡ στέγησις. καὶ ὁμοίως οὐ λόγος ἐπὶ τῶν ἄλλων οἷον πῶς τὸ κακὸν γνωρίζει ἢ τὸ μέλαν τῷ ἐναντίῳ γὰρ πῶς γνωρίζει. Horum verborum aperta est sententia. Punctum, inquit Aristoteles, et si quid aliud est, quod non ipsum magnitudinem habeat, sed magnitudinis finis tantummodo et terminus sit⁴⁾, eadem ratione cogitur qua στέγησις i. e. eae notiones, quae, ut breviter dicam, certi cuiusdam habitus vel qualitatis absentiam significant. Quemadmodum enim στέγησις cogitari non potest nisi adhibita notione eius qualitatis,

1) Veteres interpretes de vv. καὶ ἀπαθείς parum inter se consentiunt. Simplicius ea agnoscit, omittit The- mistii paraphr. De Philopono ex iis, quae Trendelenburgius affert, nihil conicias.

2) Eodem videntur pertinere quae b17—20 leguntur; de quo loco cf. Torstr. comment. p. 192.

3) Cf. Torstr. l. l. p. 192.

4) Id enim valet πᾶσα διαίρεσις, quae verba idcirco videtur addere, ut latiore notione et spatii et temporis puncta complectatur.

cui opposita est — ἕξως enim notionem dum cogitando tollimus, στέρησιν comprehendimus, eaque una est mentis actio — eodem modo punctum, quod per se nihil aliud est, quam privatio μεγέθους, ita tantummodo cogites, si magnitudinis vel continuitatis notionem mente sustuleris. Cf. Them. fol. 91^b. Et eadem ratione, inquit, reliqua ut malum aut nigrum. Ergo haec quoque ὥσπερ στέρησιν cogitari putandum est. At ipsum et malum et nigrum στέρησις est. Cf. metaph. IV, 2, 1004^b 27 τῶν ἐναντίων ἢ ἐτέρα συστοιχία στέρησις; ibid. 6, 1011^b 18, XI, 6, 1063^b 17 all., quibus locis Aristoteles contraria vel potius contrariorum alteram seriem, in qua nigrum et malum inest, στέρησεως loco habendam esse docet¹⁾. Aliter quidem indicat categ. 10, 12^b 26 ubi hanc notionem ita definit, ut contrarietas a privatione prorsus avellatur²⁾; sed quae illic disputat, ea neque aliis locis, ut videmus, ullius momenti putat neque vero hic est quod respiciat. Non enim ἐπὶ τῶν ἄλλων quid intersit, sed quid simile sit ostenditur. Num igitur putamus Aristotelem hoc loco praeter consuetudinem contrarietatem a privatione disiungere, quum utriusque eandem plane esse rationem iudicat? Nec vero, si disiungeret, verbo ἄλλων uteretur ad contraria significanda. Qua re adducor, ut vv. καὶ ὁμοιος-μέλαν alienum additamentum esse existimem. Nimirum is, qui ea conscripsit, parum perspectum habebat contrarietatem in στέρησεως notione contineri. Quam ob rem quum ipse contraria eodem modo quo punctum et στέρησιν cogitari arbitraretur, hoc tamquam a philosopho omissum in margine ita adnotavit, ut contraria satis neglegenter ambiguo verbo ἄλλων significaret. — Quod autem verbis illis eiectis v. ἐναντίω³⁾ 23 non ad ipsum, quod proprie dicitur, contrarium spectat sed ad στέρησιν revocandum est, id quidem nihil dubitationis habet, quoniam aliis quoque locis Aristoteles contrarii notionem ad reliqua, quae latius pateant, oppositionis genera transfert. Cf. phys. V, 1 p. 225^b 3, καὶ γὰρ ἡ στέρησις κείσθω ἐναντίον, καὶ δηλοῦται καταφάσει, τὸ γυμνὸν καὶ λευκὸν (Metaph. XI, 11 πωδὸν) καὶ μέλαν. De somn. et vig. 453^b 27. V. Bonitz ind. Arist. v. ἐναντίος.

De an. III, 13 p. 435^b 6.

Corpora animalium, inquit Aristoteles, simplicia esse (i. e. ex uno elemento constare) non possunt. Nam quum omnibus animalibus communis sit tactus — hic enim unus sensus ad vitam tuendam omnibus necessarius est — nec possit eius sensus, qui solida et terrena percipit, tale instrumentum esse, quod nihil terrae in se contineat, efficitur, ut animalium corpora ex mera aqua aut aëre aut igne constare non possint. Jam quum non solum terrae sed etiam ceterorum elementorum qualitates quaedam veluti calor et frigus³⁾ sub tactum cadant, in ipso sensus instrumento, quo haec omnia

1) Quae ratio inter στέρησιν et ἐναντίωσιν intercedat, accuratius exponitur Metaph. X, 4; ubi v. 1055^b 14 δηλον ὅτι ἡ μὲν, ἐναντίωσις στέρησις ἂν εἴη πάσα, ἡ δὲ στέρησις ἴσως οὐ πάσα ἐναντίωτης. Latius igitur patet privationis notio quam contrarietatis.

2) V. Zeller Phil. d. Griech. II, 2, p. 154 n. 3.

3) Facile suspiceris Aristotelem²³ θερμὸν καὶ ὑγρὸν scripsisse. Nam quum omnes corporum differentias, quae sub tactum cadant, (quas enumerat de gen. et corr. II, 2 p. 329^b) ad duo paria contrariorum calidum et frigidum, siccum et humidum revocat, ex his terrae τὸ ψυχρὸν καὶ ξηρὸν attribuit. Quod si nostro loco διαφοραὶ γῆς summae hae dicuntur differentiae, in quibus propria terrae natura consistit, apertum est²³, ubi de reliquis differentiis agitur, non ψυχροῦ sed ἰγροῦ legendum esse. Ac favent sane huic interpretationi, quae de an. II, 11 p. 423^b 26 inveniuntur ἀπται μὲν οἶν εἶναι αἱ διαφοραὶ τοῦ σώματος ἢ σώμα· λέγων δὲ διαφορὰς αἱ τὰ στοιχεῖα διορίζουσι, θερμὸν ψυχρὸν, ξηρὸν ὑγρὸν. At nescio an verbis sic mutatis a vera philosophi sententia deflectamus. Nihil enim obstat, quin omnia altera τοῦ ψυχροῦ differentia verba illa διαφοραὶ γῆς ad solam terrae siccitatem et soliditatem atque ceteras quae cum his coniunctae sunt qualitates veluti duritiam et asperitatem referamus; haec enim terrae re vera propria esse dixeris, quum frigus in aquam magis quam

percipiuntur, praeter terram etiam ceterorum aliquid elementorum inesse necesse est. Tactu autem, ut supra dictum est, eoque uno ex omnibus sensibus animalia ad vivendum carere non possunt; 435^b 4 φαπερὸν τοίνυν ὅτι ἀνάγκη μόνης ταύτης στερισκόμενα τῆς αἰσθησεως τὰ ζῷα ἀποσπῆσκαι· οὔτε γὰρ ταύτην ἔχειν οἶόν τε μὴ ζῶον οὔτε ζῶον ὃν ἄλλην ἔχειν ἀνάγκη πλὴν ταύτης. In his verbis aliquid vitii inesse arbitror. Nam quum vv. οὔτε γὰρ — ταύτης manifeste spectent ad priorem enuntiati partem vel comprobendam vel explicandam, has duas sententias in iis contineri oportet: animalia tactu privata vivere non posse, alio autem sensu nullo ad vivendum egere. Id enim vv. ἀνάγκη μόνης ταύτης στερισκόμενα ἀποσπῆσκαι aperte postulant. Et altera quidem sententia in verbis οὔτε ζῶον ὃν — πλὴν ταύτης re vera inest, alteram in priore membro οὔτε γὰρ ταύτην ἔχειν οἶόν τε μὴ ζῶον frustra quaesieris. Qua re nescio an Aristoteles scripserit οὔτε γὰρ ταύτην οἶόν τε μὴ ἔχειν ζῶον. Si hoc verum est, porro vv. ζῶον ὃν (vel ζῶον) e textu eicienda esse videntur, quae altera parte enuntiati corrupta ab aliquo emendatore addita esse suspicor, ne alterum membrum οὔτε — ταύτης subiecto careret. His opponat quispiam duas illas quas supra diximus sententias in vv. οὔτε ταύτης inesse; nihil igitur esse, quod superiora verba ab inanims ad animalia avocemus. Itā autem totum enuntiatum nescio quid omnino ad propositum afferat; quod si illam emendationem admiseris, aliquam certe vim habet ad explicanda ea, quae supra brevius significata sunt; sin autem in librorum auctoritate acquieveris, prorsus supervacaneum videtur, quum alterum membrum, quod ad inanima pertineat, a sententiarum nexu plane alienum sit, alterum, quae supra dicta sunt, eadem sermonis brevitate repetat.

De somno et vigilia 1 p. 454^a, 2.

Somnum et vigiliam ad unam eandemque animalis partem pertinere ex eo colligas, quod inter se contraria sunt (ut ζῆς et στέρησις). Quaecumque enim sunt talia, eidem semper substrato inhaerent et eiusdem subiecti sunt affectiones ut sanitas et morbus, robur et infirmitas, visus et caecitas: ἔτι δὲ inquit p. 453^b 31 καὶ ἐκ τῶνδε δῆλοι. ὃ γὰρ τὸν ἐργηροῦντα γνωρίζομεν, τοῦτο καὶ τὸν ἱπποῦντα. τὸν γὰρ αἰσθάνομενον ἐργηροῦντα νομίζομεν καὶ τὸν ἐργηροῦντα πάντα ἢ τῶν ἐξωθεν τιος αἰσθάνεσθαι ἢ τῶν ἐν αὐτῷ κινήσεων. εἰ τοίνυν τὸ ἐργηροῦντα ἐν μηδενὶ ἄλλῳ ἐστὶν ἢ τῷ αἰσθάνεσθαι, δῆλον ὅτι ὅπερ αἰσθάνεται, τοῦτο καὶ ἐργηροῦντα τὰ ἐργηροῦντα καὶ καθεύδει τὰ καθεύδοντα. Hanc argumentationem vitiosam esse facile intellegitur; nam si ad particulam γὰρ 454^a 2 respicias, vv. τὸν γὰρ αἰσθάνομενον — κινήσεων eo pertinere existimandum est, ut somnum eadem ex re qua vigiliam¹⁾ cognosci demonstraretur. Atqui somni nulla ratione habita exponitur tantummodo, qua in re cernatur vigilia. Ergo aut post κινήσεων²⁾ nonnulla verba, quibus Aristoteles ad eum quem dixi modum de somno dissereret, intercidisse statuendum est³⁾ aut, id quod ego malim, 454^a 2 scribendum τὸν δ' αἰσθάνομενον. Jam omnia bene inter se cohaerent³⁾. Haec enim Aristoteles dicit: somnum

in terram cadat. — Cf. de sensu et sens. 4 p. 441 b11, de gen. et corr. II, 3, 331^a 4. — ἐνὸς ἑαστὸν ἐστὶν, γὰρ μὲν ἑνὸς μᾶλλον ἢ ψυχρὸν, ὅσοι δὲ ψυχρὸν μᾶλλον ἢ ὑγρὸν, ἀπὸ δ' ὑγροῦ μᾶλλον ἢ θερμὸν. — Ceterum hunc locum si respicias, phys. III, 5 p. 204^b 27 ὁ μὲν ἀπὸ ὑγρόος (codd. ψυχρός) τὸ δ' ὅσοι ψυχρὸν (codd. ὑγρὸν) scriptum fuisse conicias.

1) Nimirum Arist. sic existimat vigiliam sensuum actu, somnum eiusdem actus absentia vel privatione cerni.

2) Cf. Them. fol. 99^b, qui haec addit: καὶ ἱπποῦντα δ' αὖ λέγομεν τὸν μῆτε τῶν ἐξωτερικῶν τιὰ ἐνεργούντα κινήσεων μῆτε τῶν ἐνδοθεν. Ex his tamen de ipsis Aristotelis verbis nihil certi colligi potest.

3) Quamquam fatendum est argumentationem paulo longius procedere quam Aristoteles ipse supra professus est; cf. 453^b 24 φαπερὸν ὅτι τῷ αὐτῷ τοῦ ζῶον ἐπάσχει ἢ τε ἐργηροῦν καὶ ὁ ἕπας. Etenim non solum demonstratur somnum et vigiliam eidem parti animae inhaerere sed etiam quae sit illa pars ostenditur.

ex eadem re, qua vigiliam, cognoscimus. Iam qui sentit, eundem vigilare et rursus eum, qui vigilat, aut externi aliquid aut intestini motus sentire arbitramur. Quod si vigilia in sentiendo consistit, omnia quae vigilant et quae dormiunt eadem parte qua sentiant et vigilare et dormire dicendum est. — Somni igitur indicia perinde ac vigiliae e sensuum actu petenda esse non demonstratur sed pro certo et explorato sumitur; atque eius rei idcirco fit mentio, ut quod e propositione τὸν δ' αἰσθάνομενον — κινήσεων de vigilia colligitur (ὥπερ αἰσθάνεται, τοῦτο ἐγγήγορε τὰ ἐγγήγορότα), idem ad somnum pertinere appareat.

De insomniis 2 p. 459 ^b18 sqq.

Sensoria (τὰ αἰσθητήρια) ait Aristoteles affectiones e rebus sensibilibus conceptas tum quod aliquamdiu retinere, quum ipse sentiendi actus desierit. Cuius rei hanc esse causam, quod sensoria, quum primum re sensili commota atque incitata sint, hanc affectionem per se ipsa a superficie ad interiores suas partes traducere et propagare possint. Manifesto illud apparere quum solem continenter intuiti inde ad umbram oculos convertamus, (evenire enim, ut nihil omnino videamus, quod motus a lumine natus in oculis resideat), itemque quum unum quandam colorem diutius adspexerimus; nam quocumque obtutum oculorum avertamus, ubique nos hunc ipsum colorem cernere. Eodem illud pertinere, quod quum in sole oculos fixerimus, coniventibus nobis idem qui videntibus splendor obversetur, qui deinceps in puniceum et purpureum colorem, postremo in nigrum abeat et prorsus exstinguatur: καὶ αἱ ἀπὸ τῶν κινουμένων δὲ, inquit ^b18, μεταβάλλουσιν ὅσον ἀπὸ τῶν ποταμῶν, μάλιστα δ' ἀπὸ τῶν τάχιστα ῥεόντων φαίνεται γὰρ τὰ ἡρεμοῦντα κινούμενα. Haec verba neque ex se ipsis intellegi possunt, neque quicquam invenio unde commodè possint suppleri. Nam ut perspicua sententia existat ^b18 αἱ ὕψεις audiendum est et ^b19 μένουσιν vel tale aliquid addendum¹⁾; quae quomodo ex superioribus verbis eliciam, non video. Quam ob rem v. αἱ ^b18 e textu eiciendum censo; deinde nescio an v. γὰρ ^b20 et punctum, quod est post ῥεόντων, delendum sit, ut una ex illis verbis enuntiatio efficiatur, cuius haec sententia sit; item siquis ab iis, quae moventur, ut a fluviiis adspectum alio converterit, ei, quaecumque stant, videntur moveri. Quamquam de particula γὰρ nihil pro certo dicere audeo; nam voce αἱ sublata prius membrum fortasse ad hunc modum supplendum est καὶ ἀπὸ ... μεταβάλλουσιν τοιοῦτον φαίνεται ἐφ' ὅπερ ἂν τὴν ὕψιν μεταβάλωμεν; quae verba licet longe repetenda sint (^a12 cf. ^a16), certe tamen in superioribus continentur. Deinde ^b20 Aristoteles haec subicit: γίνονται δὲ καὶ ἀπὸ τῶν μεγάλων ψόφων δύσκαφοι καὶ ἀπὸ τῶν ἰσχυρῶν ὁσμῶν δύσοσμοι καὶ ἐπὶ τῶν ὁμοίων. Hic quid sibi velit vv. καὶ — ὁμοίων non intellego; neque enim quomodo cum superioribus coniungenda sint nec quae sint illa ὁμοία satis apertum est. Cod. E omisso καὶ ἐπὶ habet δύσοσμοι τῶν ὁμοίων, quod idem invenimus apud Themistium fol. 103. At ne id quidem videtur probandum esse; quoniam olfactus acribus odoribus ita afficitur, ut non solum ad similes odores percipiendos minus valeat sed in universum hebescat. Quae quum ita sint, Aristotelem suspicio scripsisse ... καὶ ἀπὸ τῶν ἰσχυρῶν ὁσμῶν δύσοσμοι καὶ ἐπὶ τῶν ἄλλων ὁμοίως (int. αἰσθητῶν) i. e. reliqui item sensus, si qua re gravius afficiuntur, hebetiores fiunt.

1) Μεταβάλλουσιν est dativus participii; quod fugit Themistium, qui fol. 103 haec verba ita reddit: καὶ ἀπὸ τῶν κινουμένων δὲ τὰ ὅμματα μεταβάλλει ὅσον ἀπὸ ποταμῶν.

De insomniis 3 p. 461. v21 sqq.

Somnia docet Aristoteles contineri iis motibus vel affectionibus, quae ex diurnis sensuum actionibus in sensoriis resideant. Hos enim motus sentiendi et cogitandi perpetuitate interdiu oppressos atque obrutos noctu sensuum et mentis actu intermisso rursus emergere et calore ab exteris partibus introrsum manante ad principium sentiendi (τὴν καρδίαν) delatos rerum sensibilium, unde orti sint, simulacra quodammodo renovare. Iam quum superior illa vis animi, qua sensuum perceptiones ab ipsa rerum veritate diiudicemus, per somnum quiescat, evenire, ut simulacra illa pro ipsis rebus habeamus. De ea re Aristoteles p. 461 v21 τούτων δὲ, inquit, (int. τῶν κινήσεων) ἕκαστόν ἐστιν ὥσπερ εἴρηται ὑπόλειμμα τοῦ ἐν τῇ ἐνεργείᾳ αἰσθήματος καὶ ἀπελθόντος τοῦ αἰσθήματος τοῦ ἀληθοῦς ἔνεστι, καὶ ἀλλήλους εἰπεῖν, ὅτι τοιοῦτον οἷον Κορίσκος ἀλλ' οὐ Κορίσκος. ὅτε δ' ἦσαν αὐτοὶ οὐκ ἔλεγε Κορίσκον τὸ κύριον καὶ τὸ ἐπικρίνον ἀλλὰ διὰ τοῦτο ἐκείνον Κορίσκον τὸν ἀληθινόν. οὗ δὲ καὶ αἰσθανόμενον λέγει τοῦτο, ἐὰν μὴ παντελῶς κατέχεται ὑπὸ τοῦ αἵματος, ὥσπερ μὴ αἰσθανόμενον τοῦτο, κινεῖται ὑπὸ τῶν κινήσεων τῶν ἐν τοῖς αἰσθητηρίοις. καὶ δοκεῖ τὸ ὅμοιον αὐτὸ εἶναι ἀληθές. — Vv. οὗ δὲ — αἰσθητηρίοις tam perplexa et male conformata sunt, ut, quid philosophus dicere velit, coniectura tantum assequi possis. Fortasse haec ita scripsit: ὥς¹⁾ δὲ καὶ αἰσθανόμενον λέγει τοῦτο. ἐὰν δὲ παντελῶς κατέχεται ὑπὸ τοῦ αἵματος,²⁾ ὥσπερ μὴ αἰσθανόμενον τοῦτο κινεῖται . . . αἰσθητηρίοις. Quod si verum est, Aristoteles in hanc sententiam disputat: quum sensibus aliquid percipimus, superior illa vis et facultas animae, quae sensibus subest (τὸ κύριον καὶ τὸ ἐπικρίνον), rem ipsam sensibilem a sensuum perceptione discernit. Scilicet in hac re ipsius sensus consistit (ὥς δὲ καὶ αἰσθανόμενον — utpote sentiens — λέγει τοῦτο). Per somnum autem quum sanguine prorsus obruta est, tamquam suo sensu destituta residuis tantummodo sensoriorum motibus incitatur; qua re evenit, ut rerum simulacra inde orta ipsas esse res opinetur.

De divinatione per somn. 2 p. 464 v15.

Somniorum, inquit Aristoteles, interpres est artificiosissimus, qui (vel exiguas) similitudines acriter perspicit. Somnia enim licet comparare cum illis rerum simulacris, quae in aqua apparent; quae maiore aquae motu ita conturbantur et diffluunt, ut rerum similitudo aut valde imminuatur aut prorsus evanescat. Haec igitur optime diiudicabit is, qui in distortis quoque imaginibus ipsarum rerum notas deprehendere potest: v15 κακεῖ δὲ ὁμοίως τι δύναται τὸ ἐνύπνιον τοῦτο· ἡ γὰρ κίνησις ἐκκόπτει τὴν εὐθυνοειδίαν. Vv. κακεῖ — τοῦτο a proposito esse alienissima neque ullo modo cum superioribus cohaerere ex his, quae supra exposui, facile apparet. Ipsa enim res et sententiarum nexus (ὁμοίως) postulat, ut illis verbis doceatur somnia perinde atque illa simulacra eum optime posse interpretari, qui conturbatas rerum similitudines acerrime percipiat. Haec sententia ut restituatur, v15 τί ἐν τούτου scribendum et v16 ex optimo codice γὰρ ἡ revocandum esse censeo. Haec enim Aristoteles scripsit: κακεῖ δὲ ὁμοίως, τί δύναται τὸ ἐνύπνιον (int. δεινὸς κρίνειν εἴη ἂν ὁ δυνάμενος ταχὺ διαίστανεσθαι — εἰδῶλον). τούτου γὰρ ἡ κίνησις ἐκκόπτει τὴν εὐθυνοειδίαν i. e. itemque illic, quid valeat somnium, (is quem dixi optime diiudicabit); huius enim motu tollitur perspicuitas.

1) Quattuor codices, in his E, habent ὅ δὲ.

2) Cf. v11 ὅταν γὰρ καθεῖδῃ, κατάντος τοῦ πλείστου αἵματος ἐπὶ τὴν ἀρχὴν συγκατέχονταί αὐ εἰδῶσαι κινήσεις.

Phys. V, 4. 228 *9.

Unum esse motum (et mutationem) ait Aristoteles, si et specie unus sit et unius rei et tempore continuus. Quam ob rem nec si duo homines eodem tempore, nec si unus identidem ex aequali morbo convalesceret, hanc unam eandemque *ἐνέργειαν*¹⁾ putandam esse. — Atque ipsius valetudinis, inquit *7, eandem esse rationem dixeris. Quum enim perpetuo muteris et hodie alius sis atque heri fuisti, hodiernam et hesternam valetudinem tuam, quippe quae duorum sit, non unam esse numero sed duas existimes. Nam si una est, quidni etiam, si quis amissam valetudinem interiecto temporis spatio receperit, eam, qua ante usus est et qua nunc utitur, unam esse numero putemus: ὁ αὐτὸς γὰρ λόγος· πλὴν τοσοῦτον διαφέρει, ὅτι εἰ μὲν δύο, τὸ αὐτὸ τοῦτο (codd. EH et Simpl. δι' αὐτὸ τοῦτο, rec. Prantl) ὡς τῷ ἀριθμῷ μία (μία cum EH om. Prantl) καὶ τὰς ἑξέεις ἀνάγκη· μία γὰρ ἀριθμῷ ἐνέργεια ἐνὸς ἀριθμοῦ· εἰ δ' ἡ ἑξέεις μία, ὥσως οὐκ ἂν τῷ δόξαιέ πως μία καὶ ἡ ἐνέργεια εἶναι· ὅταν γὰρ παύσῃται βαδίζων οὐκέτι ἐστὶν ἡ βάδισις, πάλιν δὲ βαδίζοντος ἔσται· εἰ δ' οὖν μία καὶ ἡ αὐτὴ, ἐνδέχεται ἂν τὸ αὐτὸ καὶ ἐν καὶ φερίσθαι καὶ εἶναι πολλάκις. Haec verba quo pertineant et quae sit summa sententiae, et ex iis quae antecedunt et ex altero oppositionis membro *15 εἰ δ' ἡ ἑξέεις μία — εἶναι intellegitur. Si una eademque est ἡ ἑωρῶν καὶ νῦν ὑγίεια, inquit Aristoteles, quid obstat, quominus amissam valetudinem et post recuperatam unam esse statuamus? Interesse tamen in his rebus aliquid apparet. Nimirum si corpus ipsum, quod et hodie mane sanum vidisti et nunc vides, interim aliud esse factum et unum pro duobus habendum esse contendas (εἰ μὲν δύο int. ὑποκείμενα),¹⁾ duplicem etiam corporis habitum esse putandum est — μία γὰρ ἀριθμῷ ἐνέργεια ἐνὸς ἀριθμοῦ — nec refert, utrum valetudo perpetuo ex illo tempore permanserit an morbo intercepta nunc ipsum redeat. At vero si uniuscuiusque corporis non alium atque alium sed unum semper eundemque esse habitum (ἑξίν) sumpseris, quo quum utatur, sanum appellandum sit, nequaquam sequitur, ut una etiam ἐνέργεια valetudo sit. Quotiens enim in morbum incideris, ἐνέργεια²⁾ sanus non eris; rursus eris, quum convalesceris. Quod si unam esse ἐνέργειαν contendas, efficitur, ut unum idemque saepe et sit et esse desinat; quod cogitari non potest. (Ex his intellegitur duas illas quaestiones, quae supra *7–12 proponuntur, nequaquam ita inter se coniunctas esse, ut in utraque idem necessario iudicandum sit; nam licet τὴν ἑωρῶν καὶ νῦν ὑγίειαν unum modo habitum esse dicas, illud utique concedendum erit, si morbus intercesserit, duas ἐνέργειας valetudines esse.) Iam de ipsis verbis dicendum est, quae tam obscura et perplexa sunt, ut interpretes in iis explicandis valde inter se dissentiant. Ac primum *13 (εἰ μὲν δύο) Simplicius non ὑποκείμενα sed ἑξέεις audit; itemque Prantlius (symb. crit. in Arist. phys. auscult. p. 40) ὑποκείμενα intellegendum esse diserte negat „quum in altera iam periodi parte (εἰ δὲ *9 — εἴη *12) non de re ipsa, quae patiat, sed de habitu tantum et actu sermo fuerit.“ At hoc, opinor, non obstat, quin verba sic accipiamus. Saepe enim, ut Aristotelem recte intellegamus, aut vox aliqua e longinquo arcessenda aut notio e sententiarum nexu petita ad ipsa verba addenda est. (V. Waitzium org. p. 64 *26, 68 *5.) Ac mallet sane ipse *13 δύο ὑγίειαι audire liceret — id enim magis in promptu est — sed repugnat v. ἑξέεις in apodosi subiectum. Nempe duas valetudines Aristoteles aut ἑξέεις aut ἐνέργειας intellegeret; at si ἑξέεις significaret, idem bis diceret²⁾,

1) Ita haec verba accipit Alexander apud Simpl. fōl. 208.

2) Nisi forte *14 ἐνέργειας scribendum putamus, quam tamen parum probabilem esse coniecturam apparet.

sia ἐνεργείας, sibi ipsi contradiceret, quoniam infra statuit unius habitus posse plures ἐνεργείας esse. Quamobrem Prantlius, ut δύο ἐνεργείας intellegere liceat, (valetudinem enim amissam et post recuperatam significari putat) *13 scribit εἴτε ¹⁾, cui coniunctioni εἰ δ' οὖν *17 respondere arbitratur, ut quaecunque sunt interposita parenthesis loco habenda sint. Haec tamen ratio duabus de causis videtur improbanda esse, quod illa disiunctione (εἴτε — εἰ δ' οὖν) et verborum structura turbatur ²⁾ et vv. εἰ δ' οὖν sqq. a proposito ita deflectunt, ut ne coniectura quidem assequi possis, quam differentiam Aristoteles significet. Quodsi in Alexandri interpretatione acquiescendum esse videtur ³⁾, porro quaerendum est, quid verbis *14 μία γὰρ ἀρχὴ μὴ ἐνέργεια ἐνός ἀρχῆς μὴ faciamus; quae ab ea sententia, quacum artissime coniuncta sunt, prorsus aliena esse patet. Nam quum Aristoteles dicit duorum corporum necessario duos esse numero habitus (εἰ μὲν δύο, δι' αὐτὸ τοῦτο ὡς τῷ ἀρχῆς μὴ καὶ τὰς ἐξέεις (int. δύο) ἀνάγκη, ita enim Prantlius ex optimis libris EH verba recte restituit), huius rei non potest ea ratio afferri, quod μία ἐνέργεια sit ἐνός, sed haec verba ad ipsam ἐξέεις notionem pertinere necesse est. Quamobrem μία γὰρ ἀρχὴ μὴ ἐνέργεια scribendum esse censeo; ἐνέργειας enim nomen in hoc sententiarum nexu per se ipsum satis dilucide τῇ ἐξέεις significat. Deinde *18 quum omnes libri habeant μία καὶ ἡ αὐτή, ego quidem μία καὶ αὐτή (int. ἡ ἐνέργεια) scriptum malim, quod oppositionis vis et ratio videtur requirere. Id autem quum minoris momenti sit, attigisse satis habeo.

Phys. VIII, 4, 255 *35.

Quamquam in universum apparet omnia, quae motum habent, aut se ipsa movere aut aliunde motum accipere, tamen propria motus causa non ubique aequè perspicua esse videtur. Ac facillime quidem ea cognoscitur in iis, quae praeter naturam moventur, (ut saxum recte attollitur, quum naturali sua gravitate deorsum tendat). Porro in iis, quae se ipsa movent, aliud esse patet, quod moveat, aliud, quod moveatur; sed haec quum prorsus in unum coaluerint, plane et subtiliter discernere in promptu non est. Maxime autem dubitet aliquis, quid naturalem inanimorum corporum motum efficiat; certa enim lege naturae levia, quae dicimus, corpora sursum ferri, gravia deorsum videmus. Hoc ut recte intellegatur, ab ipsa notione levitatis (in hac enim liceat acquiescere) proficiscendum est. Leve igitur dicimus, quod natura tale est, ut locum superiorem teneat. Quodsi haec levitatis est ἐνέργεια, illum, quem supra diximus, motum (τὸ ἄνω κινεῖσθαι) transitum esse τοῦ δυνάμει κούφου ad perfectionem et ἐνέργειαν apparet. Quaecunque igitur vis hunc transitum efficit, eadem motus causa esse recte dicitur. Δυνάμειως autem duplex quasi gradus est. Etenim non solum ea, quae aliqua naturae suae mutatione levia fieri possunt, δυνάμει κούφα dicuntur (veluti aquam, quae reapse gravis est, δυνάμει levem dicimus, quatenus in aëra potest mutari), sed etiam ad ea, quae levia iam facta sunt et suapte natura sursum tendunt, si quid extrinsecus obstat, quominus moveantur, eadem τοῦ δυνάμει κούφου significatio pertinet. Atque haec, siqua vis ea quae obstant removerit, extemplo impetu suo ferri necesse

1) Aristoteles acht Bücher Physik, Griechisch und Deutsch.

2) Quod ex ipsa Prantlii interpretatione Germanica apparet: Nur in soweit macht es einen Unterschied, ob nämlich einerseits, wenn jene als zwei gelten, eben deswegen nothwendig auch das Sichverhalten der Zahl nach dies sein müsse — wenn aber andererseits demnach jene als eine und die nämliche Gesundheit gelten, so müsste es möglich sein dass ein und das nämliche Ding oftmals sowohl vergeht als auch wieder existirt.

3) Simplicius et Themistius etsi, quid Aristoteles velit, in universum recte exponunt, tamen in illustrandis verbis ita versantur, ut non tam quae ab illo scripta sunt explicant, quam quod ipsis placet affingant.

est. Ergo illud, quod motui quasi viam patefacit, κατὰ συμβεβηκός movere dicemus: verum autem et proprium motus principium in ipsa rei (τοῦ κούφου) natura inesse putandum est, aut si altius repetere volumus, dicendum esse motus eandem quam ipsius levitatis causam esse. — Duplicem illam δυνάμειος significationem Aristoteles p. 255 *30 sqq. his verbis exponit: ἐπεὶ δὲ τὸ δυνάμει πλεοναχῶς λέγεται, τοῦτ' αἴτιον τοῦ μὴ φανερόν εἶναι ὑπὸ τίνος τὰ τοιαῦτα κινεῖται, οἷον τὸ πῦρ ἄνω καὶ ἡ γῆ κάτω. ἔστι δὲ δυνάμει ἄλλως ὁ μαθητῶν ἐπιστήμων καὶ ὁ ἔχων ἥδη καὶ μὴ θεωρῶν. αἰεὶ δ' ὅταν ἅμα τὸ ποιητικὸν καὶ τὸ παθητικὸν ᾤσιν, γίνεται ἐνίοτε ἐνεργεία τὸ δυνατόν, οἷον τὸ μαθητῶν ἐκ δυνάμει οὗτος ἕτερον γίνεται δυνάμει· ὁ γὰρ ἔχων ἐπιστήμην μὴ θεωρῶν δὲ δυνάμει ἐστὶν ἐπιστήμων πως, ἀλλ' οὐχ ὥς καὶ πρὶν μαθεῖν, ὅταν δ' οὕτως ἔχη, εἴν τι μὴ κωλύη, ἐνεργεῖ καὶ θεωρεῖ, ἢ ἔσται ἐν τῇ ἀντιφάσει καὶ ἀγνοίᾳ ὁμοίως δὲ ταῦτ' ἔχει καὶ ἐπὶ τῶν φυσικῶν τὸ γὰρ ψυχρὸν δυνάμει θερμόν, ὅταν δὲ μεταβάλλῃ, ἥδη πῦρ, καίει δὲ, ἂν μὴ τι κωλύη καὶ ἐμποδίσῃ.

Vv. αἰεὶ δ' ὅταν — δυνατόν intellectu carent, quoniam αἰεὶ et ἐνίοτε manifesto inter se repugnant. Ἐνίοτε in nonnullis libris ¹⁾ scriptum negat Alexander apud Simpl. fol. 281^b. Id autem nescio an in emendatorem quendam conferendum sit. Certe quidem, si quis verbis subvenire voluit, haec expeditissima erat ratio, ut ἐνίοτε eiceret. At si Simplicius recte iudicat, sententia ipsa hoc verbum necessario requirit. Cuius auctoritate ipse adductus cum ἐνίοτε retinendum putarem, nuper (in progr. gymnas. Gryphiswald. 1871 p. 6) verbis αἰεὶ *34 et δὲ *5 in ei et δὲ mutatis et vv. οἷον *1 — ἀγνοίᾳ *5 parenthesis loco habitis apodosin a v. ὁμοίως orsus sum; quam tamen mutationem ne dicam emendationem iam intellego nec verborum structura nec sententiarum nexu commendari. Itaque rursus videndum est, quomodo sententiae inter se cohaereant. — Primum igitur Aristoteles duplicem esse δύναντον ostendit: aliter enim, ait, δυνάμει ἐπιστήμων est is, qui discit (vel qui natura sua et indole talis est, ut scire et cognoscere possit), aliter is, qui scientia iam instructus nihil forte per eam agit (μὴ θεωρῶν). Iam qui alteram illam δύναντον habet, ubi τὸ ποιητικόν (disciplina) ei subvenerit, superiorem δυνάμειος gradum (scientiam) assequetur; quo quum pervenerit, nisi forte ad agendum impediatur, iam ἐνεργεία ἐπιστήμων existet. — In hunc sententiarum ordinem vv. αἰεὶ — δυνατόν ita inserta sunt, ut, quae v. *1 sqq. disputantur, ad haec explicanda pertineant. Eadem igitur his verbis brevius significari opineris. Atqui diversa vi δυνάμειος prorsus omnia simpliciter ostenditur a potentia transitu fieri ad ἐνεργειαν. Quamobrem nescio an Aristoteles scripserit γίνεται ἔργιον τοῦ ἐνεργεῖν τὸ δυνατόν. Sic enim ea, quae infra uberius disputantur, in his verbis quodammodo insunt. Quod vero Simplicius verbo ἐνίοτε opus esse contendit, id sane verum est, si *35 ἐνεργεία legimus; neque enim semper fit, ut τὸ δυνατόν continuo ad ipsam ἐνεργειαν procedat; in hanc autem sententiam, quae verbis mutatis existit, argumenta ab eo allata non conveniunt. Haec igitur Aristotelem dicere arbitror: Semper, quum simul est, quod agat et quod patiat (i. e. quum alterum in altero vim suam exercet), propius ad actum accedit τὸ δυνατόν; ad alteram enim δύναντον progreditur, unde, nisi quid obstat, extemplo ad ipsum actum transit. Cf. de gener. animal. II, 1. 735 *9 ἐγγυτέρω καὶ πορρωτέρω αὐτὸ αὐτοῦ ἐνδέχεται εἶναι δυνάμει, ὥσπερ ὁ καφεύδων γεωμέτρης τοῦ ἐργαζομένου πορρωτέρω καὶ οὗτος τοῦ θεωροῦντος. ²⁾

1) Om. codd. Bekk. J et pr. F.

2) Ceterum cum tota hac disputatione cf. de an. II, 5.

Anal. post. I, 5, p. 74 ^a16.

Fallimur saepe, quod universalem esse demonstrationem putamus, quae re vera latius patet quam ipsi posuimus. Hoc accidit primum, si quid de rebus singularibus ut de sole et terra comprobamus (*ὅταν μηδὲν ἢ λαβεῖν ἀνώτερον παρὰ τὸ κατ' ἐξάστον*); nam quum omnis demonstratio in notionibus versetur, quae suapte natura sunt universales, de illis nihil demonstrari poterit, quod non idem, si qua alia eiusmodi esse fingamus, ad haec omnia pertineat. Deinde si ad unum quoddam genus referimus id, quod ad res genere diversas pertinet; quod facile evenit, si communem illam, quae his omnibus subest, notionem, quod demonstratio proprie referenda erat, uno nomine complecti non licet; velut proportionis membra inter se converti de lineis numeris corporibus temporibus separatim demonstramus (74 ^a17 sqq.), nimirum, quod communis notio, quo illa demonstratio *πρώτως* pertinet, ¹⁾ uno nomine comprehendi non potest. Denique si id, quod ad universum quoddam genus revocandum est, de una parte (specie) demonstramus. Nam licet de ea parte universalis demonstratio fiat, non tamen est *τούτου πρώτου καθόλου*. Quare si duas rectas lineas, quum tertia in eas incidens rectos cum iis angulos efficit, *παράλληλους* esse comprobamus (^a13), haec demonstratio quamquam in quaslibet duas lineas, quarum haec est ratio, aequae valet, tamen re vera universalis non erit, siquidem non ex eo, quod anguli duo interiores recti sunt, sed ex eo, quod duobus rectis sunt aequales, *παράλληλους* esse lineas demonstrandum est ²⁾: *καὶ εἰ τρίγωνον μὴ τὸν ἄλλο ἢ ἰσοσκελές, ἢ ἰσοσκελὲς ἂν ἔδοκει ὑπάρχειν*. Haec verba (^a16) dubito num ab Aristotele scripta sint. Primum enim, quum eiusdem erroris, de quo supra dictum est, alterum exemplum afferatur — aliter enim ea verba accipere non licet — res ipsa videtur postulare, ut exponatur falso de triangulo aequilatero, quatenus tale est, aliquid demonstrari, quod ad unumquodque triangulum pertineat. At vero scriptum videmus, si nulla alia trianguli esset species praeter aequilaterum, futurum esse, ut *τὸ δύο ὀρθαῖς ἴσας ἔχειν* ad ipsam *τοῦ ἰσοσκελοῦς* naturam revocaretur. Quae verba etsi talia sunt; ut illa sententia facile ex iis elici possit, merito tamen opineris philosophum, si hoc exemplo usus esset, id ipsum, quo proprie pertineret, (errorem dico in demonstrando admissum) disertis verbis enuntiaturum fuisse: *οὐκ ἔσται τούτου πρώτου καθόλου ἀπόδειξις, εἴπερ μὴ ἢ ἰσοσκελές ἄλλ' ἢ τρίγωνον ὑπάρχει τὸ δύο ὀρθαῖς ἴσας ἔχειν τὰς γωνίας*. Accedit, quod in ipsa sententia aliquid vitii inest. Quid enim attinet fingere nullum aliud triangulum esse nisi aequilaterum, si id unum ex eo colligitur, quod in apodosi invenimus *ἢ ἰσοσκελὲς ἂν ἔδοκει ὑπάρχειν*? Idem enim nunc quoque opinetur aliquis, quum plures sint triangulorum species. Immo aut in apodosi requiritur *ἢ ἰσοσκελὲς ἂν ὑπῆρχεν* (*ὥστε τούτου πρώτου ἂν τὴν ἢ ἀπόδειξις*) — id enim proprie sequitur, si omne triangulum aequilaterum esse fingimus — aut in protasi scribendum erat *εἰ τρίγωνον μὴ τὸν ἄλλο δῆλον ἦμιν*. His causis adducor, ut alienum illud additamentum esse existimem. — Ceterum trianguli aequilateri exemplum ex iis, quae ab ipso Aristotele infra (^a25 sqq.) uberius disputantur, petitum est. (Cf. etiam c. 24 p. 85 ^b5 sqq.).

1) Significat eam notionem, quam nos dicimus *Groesse*.

2) Ita omnes, quod sciam, interpretes verba *εἴπερ μὴ* — *ἴσαι* ^a15 accipiunt. Quam interpretationem etsi plane repudiare non audeo, tamen quum in textu unam aequalitatis notionem inveniamus, nescio an melius sit eos angulos intellegere, qui duabus illis rectis ab eadem parte adjacentes inter se aequales sunt. Quod si verum est vel ex hoc ipso conicias ena quae sequuntur tollenda esse; nihil enim in contextu est, unde haec verba commodè possint suppleri.

Analyt. post. I, 10 p. 76^b 33.

Exponitur, quid inter hypothesis et postulatam (αἴτημα) intersit. Quum sine demonstratione aliquid sumimus, quod demonstrari potest, hoc si eius, cum quo agimus, opinioni congruit, per hypothesis sumere, sin ille nullam adhuc vel diversam de ea re opinionem habuit, postulare (αἰτεῖσθαι) dicimur: καὶ τοῦτο διαφέρει ὑπόθεσις καὶ αἴτημα· ἔστι γὰρ αἴτημα τὸ ὑπεραντίον τοῦ μανθανόντος· τῇ δόξῃ ἢ ὃ ἂν τις ἀποδείκτον δὴ λαμβάνῃ καὶ χρῆται μὴ δείξας. Haec verba id quod ὑποθέσεως et αἰτήματος commune esse vidimus (ὃ ἂν τις — δείξας) falso ad unum αἴτημα revocant. Eiecta autem particula ἢ, quae post δόξῃ facile in textum irrepere poterat, omnia se recte habent. Scilicet his verbis non repetitur definitio τοῦ αἰτήματος — haec enim, ut videmus, latius patet — sed quae re maxime postulatam ab hypothesis differat, ostenditur.

Anal. post. II, 3 p. 91^a 7 sqq.

Quaeritur, num idem, quod per definitionem cognoscatur, demonstrari possit. Qua de re primo p. 90^b 3—27 ita disputatur, ut neque earum rerum omnium, quae demonstrentur, definitionem esse nec rursus ea, quae definiantur, omnia posse demonstrari appareat. At si non omnia, inquit^b 28, fortasse tamen nonnulla esse talia dixeris, quae demonstrari eademque definitione comprehendi possint. Sed ne id quidem verum est. Primum enim definitionis vis et ratio in rerum essentia indaganda et explananda consistit; in demonstratione autem, quid sit res, non exploratur, sed pro certo et explorato sumitur. Deinde quidquid de aliqua re demonstratur, notione ab ea differt; quae autem in definitione enuntiantur, ipsam rei notionem faciunt. Denique in universum patet aliud esse, quod definiendo explanetur (τί ἐστι), aliud quod demonstretur (ὅτι ἐστι). Quamobrem ipsam quoque definitionem et demonstrationem ita inter se differre¹⁾ necesse est, ut promiscue ad unam eandemque rem adhiberi nullo modo possint; nisi forte τοῦ τί ἐστι καὶ ὅτι ἐστὶ eam esse rationem existimamus, ut alterum in altero tamquam pars in toto contineatur. (Quod si ita esset, eadem sane esset ἀπόδειξις, veluti quidquid de triangulo in universum demonstratur, idem ad triangulum aequilaterum pertinet). Id autem falsum esse apparet. Deinde p. 91^a 7—11 haec invenimus φανερόν ἔχει, ὅτι οὔτε οὐ ὁρισμός, τοῦτο παντὸς ἀπόδειξις, οὔτε οὐ ἀπόδειξις, τούτου παντὸς ὁρισμός· ὥστε ὅλως τοῦ αὐτοῦ οὐδενὸς ἐνδέχεται ἄμφοι ἔχειν. ὥστε δῆλον ὡς οὐδὲ ὁρισμός καὶ ἀπόδειξις οὔτε τὸ αὐτὸ ἂν εἴη οὔτε θάτερον ἐν θάτερω· καὶ γὰρ ἂν τὰ ὑποκείμενα ὁμοίως εἴχεν. Hic primum in verbis φανερόν — ὁρισμός offendo; quae si p. 90^b 27 adiecta essent, optime se haberent, quoniam superioris disputationis argumentum continent; hoc autem loco prorsus aliena sunt, quum longius interea progressa sit disputatio atque eo iam pervenerit, ut nihil omnino esse pateat, quod demonstrari itemque per definitionem sciri possit. Deinde in vv. ὥστε ὅλως — ἔχειν falsa inest conclusio. Nam si neque demonstrari possunt omnia, quae definiuntur, neque definiri omnia, quae demonstrantur, num idcirco sequitur, ut nihil sit, quod et definitionem et demonstrationem admittat? Quae quum ita sint, erunt fortasse, qui^a 7, 8 cod. D lectionem πάντως recipiendam esse conciant; sed quae illo loco requiritur sententia (nihil omnino esse, quod demonstrari idemque definiri possit), ea ne sic quidem apte et perspicue exprimitur. Fac autem eam sententiam re vera in verbis ὅτι οὔτε οὐ ὁρισμός, τοῦτο πάντως ἀπόδειξις inesse; iam alterum

1) Hoc argumentum quid sibi velit, non satis intellego. Nam si definitionem a demonstratione differre ex eo colligitur, quod ea ipsa — quoque pertinent, ita inter se diversa sint, ut una eademque ratione sciri non possint, id ipsum, quod demonstrandum erat, οὐκ ἔστιν ἀπόδειξις οὐ ὁρισμός praesumptum esse videtur.

enuntiationis membrum (οὐτε — ὁρισμός) plane supervacaneum est, quoniam manifesto in priore continetur. Ac si quis in hac re minus offendat, certe tamen ea membra non erant ita coniungenda, quasi de diversis rebus ageretur. Equidem vv. φανερόν ἔσται . . . ἔχειν ^a7—9, omnia delenda esse censeo, quippe quae alieni additamenti speciem aperte prae se ferant ¹⁾. Quamquam sic quoque aliquid dubitationis relinquitur; non enim video, quomodo is, qui ea conscripsit, duas quas dixi sententias particula οὐτε coniungere potuerit. At fortasse scripsit οὐτε. — Ceterum verba illa salvo sententiarum nexu eici posse non est, quod exponam.

Anal. post. II, 17, 99 ^b2.

Si quid rebus specie diversis commune est, non sequitur, ut ad communem aliquam causam revocandum sit, sed in alia specie alia potest eius rei causa esse. Quod si ita est, efficitur idem in alia specie per alium terminum medium demonstrandum esse. — Hoc Aristoteles in universum sic exponit. Si A omni B recte attribuitur itemque B omni D, sequitur, ut de omni D praedicandum sit A eiusque rei causa in termino medio B sita est. Ergo A latius patere necesse est quam B; aliter enim non minus recte, quam DA per terminum medium B, DB per terminum medium A demonstraretur. Iam si latius patet A quam B, nihil obstat, quin aliquid esse genus E sumamus, de quo omni recte praedicetur A, B autem praedicari omnino non possit. Itaque EA per terminum medium B concludi non potest. Atqui certe omnibus E communis aliqua causa suberit, cur unicuique E tribuendum sit A; id enim necessario sequitur, siquidem A de omni E praedicandum esse sumimus. Erit igitur alter terminus medius C, isque a termino B omni ex parte diversus. — Haec quidem omnia satis aperta sunt; uno tamen loco in verbis philosophi inest aliquid difficultatis, quod interpretando tolli non possit: p. 99 ^b1 *διὰ τὴν γὰρ οὐκ ἔσται τὴν αἰτίαν* (int. τοῖς E) οἶον τὸ A ὑπάρχει πᾶσι τοῖς Δ. Quod enim altera parte enuntiati (οἶον — τοῖς Δ) dicitur de omni D praedicandum esse A, hoc a proposito est alienissimum, quoniam hoc loco (*διὰ τὴν γὰρ οὐκ ἔσται τὴν αἰτίαν*) non de conclusione per terminum medium facta sed de ipso termino medio agitur. Bene autem se res habebit, si legimus οἶον τοῦ A (int. αἰτίαν) vel οἶον τὸ B ὑπάρχει πᾶσι τοῖς Δ.

De soph. elench. 10 p. 170 ^b24.

Sunt qui refutandi duo esse genera statuunt, quorum alterum ad verba adversarii, alterum ad sententiam pertineat. At haec differentia non in ipsa argumentandi ratione sed in eo, contra quem disputatur, posita est. Nam si hic, quae interrogatus concessit, aliter accepit atque is, qui eum interrogavit, num concederet, alter quum contra ea ita disputat, ut sententiam tantummodo a semet ipso subiectam spectet, πρὸς τοῦ νομα disputare dicitur; sin autem, quae concessa sunt, ab utroque in eandem sententiam accipiuntur, idem quum ea refellere conatur, πρὸς τὴν διάνοιαν disputat. Quodsi uterque vocem aliquam, quae re vera ambigua est, simplicem habere vim et significationem existimat, is qui ἔλεγχον facit, quum hac voce in argumentando utitur, recte dicitur et contra verba et contra sententiam adversarii disputare. (Quum enim in redarguendū adversario eam modo quam ipse huic verbo subicit sententiam respiciat, πρὸς τοῦ νομα ἔσται διελεγμένως: rursus quum alter hoc verbum re vera in eandem, atque ipse, sententiam accipiat, πρὸς τὴν διάνοιαν eum disputare dixeris). Ex his ipsis,

1) Nimirum is, qui haec scripsit, summam totius disputationis paucis verbis complecti voluit.

quae exposui, apparet p. 170 ^b24 scribendum esse *πρὸς τοῦνομα ἔσται καὶ πρὸς τὴν διάνοιαν τοῦ ἐρωτωμένου διειλεγμένος*.

De soph. elench. 31 p. 181 ^b39.

Relatas, quas dicunt, notiones (*πρὸς τι*) per se ipsas aut omnino quicquam significare negandum est, aut certe non concedendum eandem vim habere, ac si in disputando cum ea notione, quo proprie sint referenda, coniungantur. Item si qua sunt talia, ut definiri omnino non possint nisi adhibita notione substrati, in quo inhaereant, (veluti τὸ *σιμόν*, cuius definitio notionem τῆς ὀνότητος necessario continet,) ¹⁾ haec si in disputando cum ipso substrato coniuncta sint, aliam habere significationem dicendum est, ac si sola proferantur. Etenim quum *ἔῶνα σιμίῳ* dicimus, apparet τὸ *σιμόν* non *κοιλότῃ* *ἐν ὀνί* sed simpliciter τὸ *κοῖλον* significare. Quodsi quis notionibus ita coniunctis τὸ *σιμόν* eandem quam per se ipsum habeat vim retinere concesserit, idem bis dixisse arguetur. — Haec Aristoteles p. 181 ^b35 parum dilucide ita exponit, ut disputatio proprie ad cavi notionem pertinere videatur. *ἐν δὲ τοῖς δι' ὧν δηλοῦται κατηγορουμένοις τοῦτο λεκτέον ὡς οὐ τὸ αὐτὸ χωρὶς καὶ ἐν τῷ λόγῳ τὸ δηλούμενον. τὸ γὰρ κοῖλον κοινῇ μὲν τὸ αὐτὸ δηλοῖ ἐπὶ τοῦ σιμοῦ καὶ τοῦ ῥοικοῦ, προστιθέμενον δὲ οὐδὲν κωλύει, ἀλλὰ τὸ μὲν τῇ ὀνί τὸ δὲ τῷ σκέλει σημαίνει* (v. l. *σημαίνειν*, cf. Waltz. II, p. 578). His verbis manifesto corruptis alii alia ratione subvenerunt. Bekkerus Iulium Pacium secutus scripsit *συμβαίνει*, quod merito improbat Waitz, qui ipse *σημαίνειν* legendum atque ea verba ita supplenda esse censet οὐδὲν κωλύει μὴ δηλοῦν τὸ αὐτό, ἀλλὰ τὸ μὲν τῇ ὀνί προστιθέμενον ταύτῃ *σημαίνειν* αὐτὸ ὑπάρχειν. Particulae ἀλλὰ eundem esse usum docet ac p. 172 ^a19, (cf 171 ^a29, 111 ^a14 all.) Hoc equidem non video: nam illis omnibus locis antecedente protasi condicionali v. ἀλλὰ in apodosi ita usurpatur, ut hanc tamquam veram et certam opponat iis, quae in protasi aut falsa esse aut incerta concedantur; hoc autem loco talem protasin neque scriptam videmus nec salva sententia e contextu verborum interpretando possumus elicere. Nec vero aliam, quae quidem possit probari, particulae ἀλλὰ explicandae rationem invenio; nam Waitzii interpretatio non tam ipsis verbis quam sententiarum nexu et ratione nititur; quae aperte postulant, ut τὸ *κοῖλον* aliud dicatur significare, si naso, aliud si cruri attribuat. Propterea Aristotelem haec scripsisse suspicor *προστιθέμενον* δὲ οὐδὲν κωλύει ἄλλο *σημαίνειν*, τὸ μὲν τῇ ὀνί τὸ δὲ τῷ σκέλει; qui ordo verborum quum infinitivo *σημαίνειν* post *σκέλει* illato conturbatus esset, facile aliquis adduci potuit, ut sententiam ad eum, quem videmus, modum depravaret. —

1) De quibus v. Anal. post. I, 4 p. 73 ^a37 sqq. Metaph. VII, 5 1030 ^b28. all.